

BookTrust Cymru: Comisiynau Amser Rhigwm Mawr Cymru 2021

Crynodeb

Hoffem wahodd beirdd, awduron, cerddorion a pherfformwyr i'n helpu i greu cynnwys newydd ac arbennig ar gyfer Amser Rhigwm Mawr Cymru 2021.

Rydyn ni'n cynnig hyd at bedwar comisiwn fydd yn werth £500 yr un.

Dyddiad cau gwneud cais: Hanner nos, dydd Sul 6 Rhagfyr

Ein nod fydd rhoi gwybod i'r ymgeiswyr llwyddiannus cyn gynted â phosib yn ystod yr wythnos sy'n dechrau ar 7 Rhagfyr.

Rhaid i'r holl waith gael ei orffen a'i roi i BookTrust Cymru erbyn dydd Gwener 15 Ionawr.

Am Amser Rhigwm Mawr Cymru

Mae Amser Rhigwm Mawr Cymru / The Big Welsh Rhyme Time yn ddatliad cenedlaethol wythnos o hyd i rannu rhigymau, cerddi a chaneuon yn y blynyddoedd cynnar. Y nod yw hybu ac annog hwyl a gweithgareddau rhannu rhigymau llawn sbort ymysg plant bach yng Nghymru rhwng 0 a 6 oed, yn Gymraeg a Saesneg. Mae'n cefnogi datblygu llafaredd, sgiliau llythrennedd a chreadigrwydd.

Bydd Amser Rhigwm Mawr Cymru'n digwydd rhwng 8 – 12 Chwefror.

Bydd plant yn cymryd rhan drwy'u hysgolion ac ystod eang o leoliadau blynyddoedd cynnar, gan gynnwys llyfrgelloedd, y Mudiad Meithrin, meithrinfeydd a sesiynau Gymraeg i Blant. Bydd plant sy'n cymryd rhan yn derbyn tystysgrifau a sticeri arbennig, a chefnogir yr wythnos gan weithgareddau ar lein a chyfathrebu cyhoeddus.

Lansiwyd Amser Rhigwm Mawr Cymru yn 2018, a'r llynedd cymerodd dros 22,000 o blant ran.

<https://www.booktrust.org.uk/what-we-do/booktrust-cymru/the-big-welsh-rhyme-time/>

Am beth rydyn ni'n chwilio?

Rydyn ni'n chwilio am **leisiau gwahanol o Gymru i'n helpu i greu cynnwys hwyliog a deniadol a fydd yn annog plant i rannu a mwynhau rhigymau, cerddi a chaneuon** yn ystod Amser Rhigwm Mawr Cymru – ac wedyn.

Rydyn ni eisiau'r cynnwys newydd i gefnogi plant yn y Cyfnod Sylfaen. Rydyn ni'n canolbwyntio datblygiadau newydd eleni ar **blant ym Mlwyddyn 1** (5-6 oed).

Dylai pob comisiwn gynnwys fel lleiafswm:

- **O leiaf un rhigwm, cerdd neu gân newydd**
- **Ffilm o'r rhigwm, y gerdd neu'r gân yn cael ei pherfformio**

Rydyn ni hefyd eisiau eich gwahodd i gynnig unrhyw gynnwys ychwanegol a fydd yn cefnogi plant i ymgysylltu â'r rhigwm, cerdd neu gân. Rydyn ni'n agored i dderbyn awgrymiadau creadigol a hoffem eich annog i gynnwys elfennau eraill yn eich cynigion a fydd yn cynyddu lefelau ymgysylltiad a mwynhad.

Ein bwriad yw arddangos un comisiwn bob dydd yn ystod wythnos Amser Rhigwm Mawr Cymru (8–12 Chwefror) drwy gyfrwng ein sianelau ar lein. Bydd testun y rhigymau, cerddi a chaneuon yn cael eu dylunio i gynhyrchu adnoddau wedi'u brandio ar gyfer ysgolion.

Does dim thema benodedig ar gyfer Amser Rhigwm Mawr Cymru 2021, ond rydyn ni eisiau pwysleisio'r sbort a'r mwynhad sy'n dod yn sgil rhannu rhigymanu, cerddi a chaneuon.

Rydyn ni am i'r cynnwys adlewyrchu amrywiaeth ieithyddol Cymru ar draws y comisiynau. Bydd hyn yn cynnwys Cymraeg a Saesneg, yn amlwg, a gall hefyd gynnwys rhai o'r ieithoedd eraill a siaredir yng Nghymru.

Am BookTrust Cymru

BookTrust yw elusen ddarllen plant fwyaf y DU. Rydyn ni wedi ymrwmo i gael plant i ddarllen am ei bod ni'n gwybod fod plant sy'n darllen yn hapusach, yn iachach yn fwy tosturiol ac yn fwy creadigol; maen nhw hefyd yn gwneud yn well yn yr ysgol.

Bob blwyddyn, byddwn ni'n cyrraedd at 3.8 miliwn o blant ledled y Du gyda llyfrau, adnoddau a chefnogaeth i'w helpu i ddatblygu cariad at ddarllen. Mae BookTrust yn cael plant i ddarllen mewn llawer o ffyrdd gwahanol, ond ein blaenoriaeth yw cyffroi plant ynghylch llyfrau, rhigymanu a straeon.

Ystyriaethau eraill ar gyfer y comisiynau

Uwchlaw popeth arall, dylai'r cynnwys fod yn ddeniadol i blant yn y Cyfnod Sylfaen yng Nghymru, yn enwedig plant **Blwyddyn 1**. Dylai hefyd fod yn apelgar i rieni / gofalwyr ac yn hygyrch i ymarferwyr fel cefnogaeth i addysgu.

Rhaid i'r cynnwys fod yn addas ar gyfer ei ddefnyddio mewn ysgolion ac yn y cartref. Mae'n debygol y bydd rhai ysgolion yn darparu dysgu cyfunol ym mis Chwefror (cymysgedd o ddysgu wyneb yn wyneb, o hirbell ac ar lein) felly dylai'r comisiynau gefnogi'r angen hwn.

Mae plant Blwyddyn 1 yn symud o hwiangerddi i farddoniaeth sylfaenol. Mae'n debygol y bydd caneuon a rhigymanu sy'n meddu ar rhythm amlwg, patrymau odli hwyliog neu eirfa bleserus yn apelio i'r ystod oedran hwn. Gallwch weld y rhigymanu a ddewiswyd ar gyfer plant yn y Derbyn yn ein rhaglen Pori Drwy Stori yma: <https://www.booktrust.org.uk/what-we-do/programmes-and-campaigns/poridrwystori/autumn-term-resources/the-rhyme-challenge/>

Rhaid i'r cynnwys apelio at blant ledled Cymru, a bod yn addas ar gyfer yr holl blant sy'n rhan o Gymru gyfoes. Dylai fod yn addas ar gyfer dysgwyr sy'n dod o ystod o gefndiroedd o ran teulu a chartref, a bod yn wirioneddol gynhwysol.

Ar draws y comisiynau, byddwn ni'n chwilio am gynnwys sy'n cyd-fynd ag amrywiaeth ieithyddol plant yng Nghymru, gan gynnwys siaradwyr Cymraeg brodorol, dysgwyr Cymraeg (mewn ysgolion cyfrwng Cymraeg a Saesneg) a phlant a theuluoedd ble mae Cymraeg neu Saesneg yn iaith Ychwanegol iddynt.

Er bod y pwyslais yn bendant ar hwyl a mwynhad, bydd rhigymanu a chaneuon sy'n cefnogi datblygu llythrennedd a rhifedd, yn ogystal â dysgu mewn meysydd eraill, yn ychwanegu gwerth at y gwaith.

Dylai cynnwys ar ffilm ateb gofynion canllawiau ffilmio BookTrust (gweler Atodiad 1).

Telerau eraill

Bydd BookTrust Cymru'n ymdrechu i gwrdd â'r holl ofynion ar draws y comisiynau a gynigir. Cydnabyddir na all pob comisiwn o reidwydd ateb pob galw, yn enwedig o ran iaith.

Mae BookTrust Cymru'n cadw'r hawl i ddyfarnu llai na phedwar comisiwn os nad yw'r ceisiadau'n addas.

Rydyn ni'n croesawu ac yn annog pobl o bob math o gefndir, ac o bob cwr o Gymru, i ymgeisio.

Rhennir y cynnwys ar wefan BookTrust Cymru ac ar draws ein llwyfannau cyfryngau cymdeithasol. Rhennir y cynnwys gyda brandio BookTrust. Bydd BookTrust Cymru'n ychwanegu brandio i'r ffilmiau, ynghyd ag isdeitlau, os oes angen.

Bydd BookTrust Cymru'n cynghori ynghylch addasrwydd cynnwys wrth i'r comisiynau ddatblygu, a chedwir yr hawl i fynnu fod newidiadau'n digwydd er mwyn sicrhau fod y comisiynau'n ateb gofynion y briff.

Cyllideb

Bydd pob comisiwn yn werth **£500**. Dylai hyn dalu am bob cost, gan gynnwys treuliau.

Telir y ffioedd pan fydd y gwaith terfynol yn cael ei gyflwyno, oni chytunir fel arall.

Sut i gyflwyno cynnig

A fyddech cystal â chyflwyno cynnig byr sy'n cynnwys:

- 1. Bywgraffiad byr**, yn cynnwys:
 - Profiad a / neu arbenigedd perthnasol
 - Samplau o waith blaenorol, os yw'n addas
 - Profiad o weithio'n ddwyieithog, yn Gymraeg a / neu gydag ieithoedd eraill
- 2. Cynnig cryno**, yn cynnwys:
 - Beth rydych chi'n bwriadu'i gynnwys ar gyfer y comisiwn
 - Sut mae hwn yn ateb gofynion y briff
- 3. Unrhyw wybodaeth arall a fydd yn eich barn chi yn cefnogi eich cais**

Bernir cynigion yn erbyn y meini prawf canlynol:

1. Ansawdd y cynnig o'i gymharu â gofynion y prosiect
2. Profiad perthnasol
3. Sut y bydd y comisiynau a ddetholir yn darparu pecyn cyffrous i blant ar draws yr ystod cynnwys a gynigir

Cyflwynwch eich cynigion at: booktrustcymru@booktrust.org.uk

I drafod y prosiect, cysylltwch os gwelwch yn dda â Claire Taylor:

claire.taylor@booktrust.org.uk

Atodiad 1: Canllawiau Ffilmio BookTrust 2020

Canllaw cyffredinol ar gyfer holl waith ffilmio BookTrust yw hwn.

Ar gyfer unrhyw gynnwys ar ffilm:

- Y fformat a ffafirir yw fideo HD (1920 x 1080 o ran 'resolution'); dylai pob ffilm gael ei saethu mewn fformat tirlun.
- Mae ansawdd sain clir yn hanfodol, a dylid dileu synau cefndirol; rydym ni'n argymhell defnyddio meicroffon allanol yn hytrach nag un integredig.
- Dylid gwneud ffilmiau gan ddefnyddio trybedd neu offer tebyg.
- Dylai ffilmiau fod wedi'u goleuo'n dda ac yn rhydd o amhariad.
- Dylai lleoliadau a chefnidiroedd fod yn ddi-dranglwms.

Canllawiau technegol:

- **Goleuo:** Gwnewch yn siŵr eich bod yn ffilmio mewn lleoliad sydd wedi'i oleuo'n dda. Dylid osgoi gadael i'ch wyneb gael ei oleuo gan sgrin cyfrifiadur pan fyddwch chi'n gweithio gyda chamera gwe, am y gall hyn roi arlliw glas nad yw'n ddeniadol.
- **Sain:** Gwnewch yn siŵr fod y sain gystal ag y gall fod os gwelwch yn dda. Mae hyn yn bwysig iawn, felly gwnewch bopeth allwch chi i gael gwared ar unrhyw sŵn cefndirol (e.e. trafndiaeth swllyd, pobl yn siarad, peiriant golchi, teledu, peiriant awyru ac ati).
- **Ceisiwch ddefnyddio meicroffon allanol** (h.y. nid meic mewnol iPhone) ac ewch â'r meic mor agos â phosib at ffynhonnell y sain, gan osgoi ei ddangos yn y siot.
- **Ffilmwch mewn tirlun os gwelwch yn dda** (oni bai am Instagram)
- **Fformat:** Y fformat a ffafirir yw fideo HD ('resolution' o 1920 x 1080)
- **Lleoliad / cefndir:**
 - Gall y lleoliad fod yn unrhyw le sy'n gyffyrddus a chlyd, nid yn rhy glinigol
 - Mae'n bwysig fod pob amgylchfyd yn gredadwy / perthnasol i ystod eang o deuluoedd
 - Mae angen i gefndiroedd fod mor blaen a di-dranglwms â phosib
 - Gwisgwch beth bynnag sy'n gyffyrddus i chi. Dylid osgoi unrhyw beth sy'n dangos logos mawr, geiriau, brandio y gellir ei adnabod neu batrymau gor-lachar.

Sut y bydd y ffilmiau'n cael eu defnyddio:

Bydd BookTrust yn dangos ffilmiau'n llawn ar ein gwefan, ein sianel YouTube a Facebook, ac yn defnyddio clipiau byrrach ar draws y sianelau cyfryngau cymdeithasol – Facebook, Instagram, Twitter ac ati.

Byddan nhw'n aros ar ein sianelau / gwefan.

Efallai y bydd angen i ni wneud tipyn bach o waith golygu, a byddwn ni fel arfer yn dechrau a gorffen y ffilm gyda deunydd brandio BookTrust.

Noder: Ble bynnag y bo'n bosib, byddwn ni'n cynnwys cydnabyddiaethau perthnasol.